



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

Izveštaj o održanom IV (četvrtom) mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Gradu Goražde

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Goražde, u ponedjeljak, 6. novembra 2023. godine u trajanju od 11.00 do 13.00 sati održan je **četvrti mentorski sastanak** za zainteresovane predstavnike organizacija civilnog društva (OCD).

Termin mentorskog sastanka najavljen je na zvaničnoj internet stranici Grada Goražda (www.gradgorazde.ba). Dodatno, kako bi se osiguralo da su OCD obaviještene o mentorskoj sesiji, administracija Grada Goražda je dostavila cirkularnu elektronsku poštu na kontakt adrese organizacija civilnog društva. Mentorskom sastanku su prisustvovalo je 5 predstavnika/ica OCD-a (3Ž i 2M).

Obzirom da je bilo učesnica/ika koji su prvi put na mentorskoj sesiji savjetovano je da pažljivo i razumljivo pročitaju Smjernice za aplikanta i prilikom kreiranja projektne dokumentacije obrate pažnju na međusobnu povezanost četiri ključna dokumenta projektnog prijedloga: Logički okvir, Plan aktivnosti, Budžet i Aplikaciona forma. Ova logička veza između sadržaja dokumenata doprinosi traženoj **konzistentnosti projekta**.

Učesnicima je naglašeno pravilo **dva eliminatorna kriterija: relevantnost i kapaciteti organizacije** civilnog društva da mogu upravljati (sa tehničkog i finansijskog aspekta) predloženim prijedlogom projekta. Ukoliko je OCD do sada upravljala malim grantovima i nema značajnu referentnu listu implementiranih projekata tada bi trebalo da razmotri vrijednost projekta od 10 000 do 20 000 BAM za koji je potrebno skupiti najmanje 50 (od mogućih 100) bodova kako bi mogla biti razmatrana za finansijsku pomoć.

Mentorica je učesnicima/icama četvrtog mentorskog sastanka pojasnila još jednom koncept **hijerarhije ciljeva**, „**radne pakete**“ za isporuku **rezultata**, **SMART indikatore** i **izvore verifikacije**, obzirom da su prisutni predstavnici OCDa iskazali potrebu za dodatnim pojašnjenjima logičke matrice.

Svaki cilj u **hijerarhiji ciljeva** ima najmanje jedan objektivno provjerljiv indikator. Svaki indikator ima polazište i krajnje stanje. Polazište se definiše uzimajući u obzir podatke u vrijeme kada se priprema prijedlog projekat (*novembar 2023*).

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



Izvor verifikacije je dokument u kome možemo naći informacije u vezi SMART indikatora (izvještaji projekta, izvještaji s terena, izvještaji s radionice, izvještaj provedene ankete i sl).

Mentorica je savetovala svim učesnicama da još jednom pogledaju Strategiju Grada Goražda i da obrate pažnju na prioritetne oblasti koje su relevantne za njihove planirane projektne intervencije, kao i formulaciju opšteg cilja koji treba biti u skladu sa javnim pozivom, ciljevima prezentiranim u Strategiji ali i vizijom i misijom OCD-a.

Peti mentorski sastanak će biti održan, **10. novembra (petak) 2023. sa početkom u 11h koristeći ZOOM platformu.**

Od predstavnika OCD se očekuje da na mentorske sastanke dolaze sa pripremljenim nacrtima obaveznih dokumenata po javnom pozivu.

Potvrdu o prisustvu na mentorskom *petom sastanku* potrebno je poslati na e-mail adresu amila.perla@undp.org.